



МЕСЯЦА НОЯБРЯ В 3-й ДЕНЬ

**Святых мученик Акепсѣмы епископа,
Иосифа пресвитера и Аифалá диакона
и обновление храма
святаго великомученика Георгія,
иже в Лиде, идеже положено есть
честное тело его**

**На Господи, возвах: стихиры мучеников,
глас 8.**



Подобен: О, преславнаго чудесѣ:

**О, преславнаго чудесѣ! Акепсѣма крас-
ный, мученикомъ служитель, / пѣсней увязѣ-
ниемъ венчается днесь, / Богоызвенная
страдания предлагаетъ / и острупяетъ * вра-
га безплотнаго. / О, каковыя получи многодѣрныя
благодати! / Егоже молитвами спаси души наша,
Христе, / яко Милосерд.**

**О, преславнаго чудесѣ! От Персѣды звезда,
Иосифъ возсия, / волшебную мерзость разрушая
Духомъ, / кровными струями погаси огня служение
безбожия. / О, крепости, еюже низложитъ демоны! /
Того молитвами спаси души наша, Христе, / яко
Милосерд.**

**О, преславнаго чудесѣ! Аифалъ твердый стра-
дания поборникъ тезоименитъ является, / сад
присноцветущий, / и, режемъ, цвететъ ранами, / и,
уже умерщвляемъ, жити начинаетъ. / О, крепости
естества, / юже претерпѣ! / Того молитвами спаси
души наша, Христе, / яко Милосерд.**

* острупяеть — изранивать, покрывать ранами

Ины стихиры святого Георгия, глас 4.

Подобен: Яко дбля:

Страстотерпче Георгие, Ангелов собеседниче / и мучеников ссельниче *, / прибежище скорбящих всегда, / пристанище утишения плавающему и мне в житий буди / и управи, молю тя, жизнь мою: / яко да верою несомненною ублажаю / паче естества подвиги твоя.

В мори мя плавающая, / на пути шествующа, / в нощи спяща, соблюди, / бдящу просвети ум мой, Георгие, / и настави творити волю Господню, / яко да обрящу в день Судный / в житий содеянных ми разрешение, / прибегая в кров твой, славне.

Веры бронями, и щитом благодати, / и Креста копием оградився, / сопротивным непобедимь был еси, Георгие, / и, яко Божественный храборник **, дёмонския полки победив, / со Ангелы ликуеши, / верныя же, сохраняя, освящаеши / и спасаеши, призываемь.

Слава, глас 6:

Достойно имене жителствовал еси, воине Георгие: / крест бо Христов на рамена взем, / от дявольския лести оляденевшую землю добре возделал еси / и, терновное служение искоренив идольское, / Православныя веры лозу насадил еси. / Темже точиши врачевания во всей вселенней верным / и Троицы делатель праведен казался еси. / Моли, молимся, о мире мира / и спасении душ наших.

И ныне, Богородичен или Крестобогородичен.

Подобен: Трдневен:

На Древе Живот наш зряци, Всенепорочная Богородица, висящ, / матерски рыдаючи, вопияше: / Сыне Мой и Боже Мой, / спаси любовию поюция Тя.

На стиховне Октоиха.

Слава святых, глас 6. Ефрема Кария:

Предпутие образно трисияннаго вашего единоумия / и во Христе мучения, / неизреченныя Троицы и пресущественныя Единицы

* ссельник — сообитатель

** храборник — храбрый воин, подвижник

страдальцы, / иже в Персиде неопальни соблю-
 шися, триé óтроцы быша: / яко бо онѣ, на пламень
 дерзну́вше, Богу не досади́ша; / тако и вы умрѣти
 не отреко́стеся, / не пощаде́вшеся Христовою
 любовью, / но яко во óнех явѣвѣйся Четвѣртый в
 пламени ороша́ше; / тако и вас Христос, Иже Един
 от Троицы, / прѣят в место прохладное *, / Акепси-
 ма со Ио́сифом и Аифála, Богоприятнии, / моли́те-
 ся о душа́х наших.

**И ныне,
 Богородичен или Крестобогородичен:**

Подобен: Трдневен:

Вѣдящи Тя распина́ема, Христе, / Тебе
 Рождшая вопи́вше: / что странное еже вижу
 та́инство, Сыне Мой? / Како на Древе умираеши,
 плотию повѣшен, / Жизни Подателю?

Тропарь, глас 4:

Мученицы Твои, Господи, / во страданиях своих
 венцы́ прияша нетленные от Тебе, Бога
 нашего, / иму́ще бо крепость Твою, / мучителей
 низложѣша, / сокруши́ша и демонов немощны́я
 дерзости: / тех молитвами / спаси ду́ши наша.

Слава, Геóргия, глас тойже:

Яко плѣнных свободитель / и нищих
 защититель, / немощствующих врач, / победо-
 носче великомучениче Геóргие, / моли Христа
 Бога спастися душáм нашим.

И ныне, Богородичен или Крестобогородичен.

НА УТРЕНИ

**Един канон Октоиха со ирмосом на 6, и
 мучеников на 4, и Геóргия на 4. Канон мучеников.
 Глас 4.**

Песнь 1

Ирмос: **О**твѣрзу уста́ моя, / и наполнятся Духа, /
 и слово отры́гну ** Царице Матери, / и явлюся,
 светло торжествуя, / и воспою́, радуяся, Той
 чудеса.

* место прохладное — здесь Царство Небесное

** отрыгáть — изрекать, произносить

Троицы равночísленнии Пресвятыя, всебогатии, / Тоя явйстеся честнйи поклóнницы и предстоитé Престолу Трóичному, / тéплии заступницы притекающим к вам.

Троицы поклонницы трисолнечныя сýще, / многобожия лесть, святйи, разрушйсте, / претерпевше мýки многообразныя и смерть неправедную, Богоблаженнии.

Мучéния пучйну без волнения преидóсте верою, блаженнии, / и пристáсте к безпечáльному животу́, / к пристáнице Вышняи светлости, / в славу неизреченную.

Богородичен: Радости нам Ходáтаица, / яко приёмши исполнэние всего Божества́, явилася еси, Пренепорочная. / Тем вси Тебе радость Ангелову согласно зовем, Богорадованная.

Ин канон святаго Геóргия, егоже краегранесие: Дéлание Богу ты славлю, блаженне. **Глас 4.**

Песнь 1

Ирмо́с: Трискáты* крепкия, / Рождейся от Девы, / безстрастия во глубинé / душй тричáстное потопй, молюся: / да Тебе, яко в тимпáне, / во умерщвлении телесé / победное воспою пение.

Делание Божие гобзýющее** явйлся еси, / питáя верныя подражáнием благочестивым, страстотерпче Геóргие, / память твою светоносную священо празднующия / и в сей тéпло ты славящия.

Разжжé твое, страстотерпче, сердце Божественное рачéние*** воистинну, / самозвáн тем к мучителем пришел еси, попаляя многобожия прéлесть / и рáзум свéтлости облистáя спасения.

Яко лев, упováя, судйщу предстал еси, / возвещáя явственнó воплощение Христово, / Имже мир избáвился падения дрéвняго, / первое прият благоплодие, треблаженне Геóргие.

Богородичен: Избавляя нас осуждения дрéвняго, / Сын Божий бысть Сын Девы яко Человек, / тем Сего во двою существу́ и хотэнию правóверным сердцем славим.

* трискáты — военачальники

** гобзовáть — изобилóвать

*** рачéние — любовь

Песнь 3

Ирмос: Не мудростию, и силою, и богатством хва́лимся, / но Тобою, Отчею Ипостасною Мудростию, Христе: / несть бо свят, паче Тебе, / Человеколюбче.

Не в мудрости е́ллинскаго суетия, мѹдрии, / но разумом Божественным безбожие обличите персское, / укоривше сих безумие.

Священноначалия просвещен Божественным помазанием, священный Акепси́мо, / мучения же кровию себе украсил еси, Богоблаженне.

Сокрушение твоих удо́в, Ио́сифе приснопамятне, / прелестныя ко́зни до конца, мучениче, сокруши́, / тебе же исходатаи славу нетленную.

Богородичен: Тя Мудрость Божия чистейшее селение обрѣтши, / от Твоих чистых кровей воплотися / и по Рождестве нетленну яви.

Ин

Ирмос: Лук сильных изнемо́же, / и немощствующи препоясашася силою: / сего ради утвердися в Господе сердце мое.

Рода и отчества славы радостию отвергся, / Христу последовал еси / и Горняго Сиона житель, мучениче, явился еси краснейший.

Да наследник изыщен и покорив, / Живаго Бога сын явишися, / претерпел еси раны треволнения мучителей, мучениче до́блй.

Богородичен: Во всего Ада́ма одеяся, / Иже милосердия ради Новый Ада́м бысть из Тебе, Пренепорочная, / Един сый человекос Создатель.

Кондак святых, глас 2.

Подобен: Вышних ища́:

Божественная, мудре, непорочно тайноводил еси, / жертва приятна был еси, Богоблаженне: / Христову бо пил еси чашу славно, святе Акепси́мо, / со страдальцы твоими, / моляся непрестанно о всех нас.

Икос:

Кто от верных возмо́жет отню́д достойно воспети / премудраго священника Акепси́ма, све-

тильника Христова: / той бо разруши прелесть
идольскую и посрами дѣмонская ухищрѣния / креп-
кою силою Спаса Христа Бога, / Троице Пресвятей
благочестно поклоняйтися наказуя, / Отца и Сына и
Святаго Духа во Едином Божествѣ почитати, /
моляся непрестанно о всех нас.

Седален мучеников, глас 8.

Подобен: Премудрости:

Иосиф, доблий подвижник, Акепсима, прелести
губитель / и Аифал славный, страдалец
непобедимый, / светлыя звѣзды, верными в песнех
достойно воистинну да восхвалятся днесь: / сий бо
прелесть персов очерниша, / солнцу не пожерше,
ни огнѣ почѣтше; / к нимже любовию возопиѣм: /
молите Христа Бога грехов оставление даровати /
празднующим любовию святую память вашу.

Слава, святаго Георгія, глас 1.

Подобен: Гроб Твой:

Вѣиство на землѣ возненавидѣв, мучениче, / на
Небесѣх возжелел еси славы / и болезни понесл
еси и лютую смерть. / Тем, днесь всесвятую твою
память празднующе, / Христу приносим хвалу,
треблаженне Георгие.

И ныне, Богородичен:

Упование христиан, Пресвятая Дево, / Егоже
родила еси, Бога, паче умѣ и слѣва, / непрестанно
моли о воспевающих Тя / подати оставление
грехов наших всех и исправление жития / верою и
любовию присно славящим Тя.

Крестобогородичен:

Нескверная Агница, / Агница и Пастыря повѣше-
на на Древе мѣртва зрящи, / плачуши, вещаше,
матерски восклицающи: / како претерплю Твое,
еже паче слѣва, Сыне Мой, снѣтие / и вольныя
страсти, Боже Преблагий.

Песнь 4

Ирмос: Седяй в славе на Престоле Божества /
во облаце лѣгце, / прииде Иисус Пребо-
жественный / нетленною дланию и спасѣ
зовущия: / слава, Христе, силе Твоей.

Нижняя презревше и ко едином пребывающим смотряюще, / тех получиша жилища, / Акепсіма доблий и славнии Иосиф и Аифал да восхвалятсѧ.

Иже к единому Владыце простёртое твое помышление / во время страдания, мучениче, / облегчѧи тебе творяше нестерпимых мук, / крепкий Иосифе, страстотерпче Христов досточудне.

Честное твое свидетельство, яко плодовита лоза объёмлема, / источает вино верным умиления, Аифале страстотерпче, веселящи зовущия: / слава, Христе, силе Твоей.

Богородичен: Святая Богородица, / в Нюже вселитися благоволи, яко во благовонный храм, / Слово Отчее и Равнобожественное, / не растлѧ чистоты, ни стужі: / ибо роди Емануила, Бога и Человека.

Ин

Ирмос: Любве ради, Щедре, Твоего образа / на Кресте Твоем стал еси, и растаяшася языцы: / Ты бо еси, Человеколюбче, / крепость моя и хваление.

Умерщвленное твое тело мѹками, блаженне, / умерщвленного Слова воображает страсти, / даровавшего ти живот вечный.

Щитом истинным огражден, / поборники лживыя крепким смыслом купно погубил еси, / Богомудре Георгие.

Прославися твоими ѹды святыми, / иже в земных одеяся неможение, Слово. / Тем вечно тя прославляем, Георгие.

Богородичен: Иже бытие даровавый человеком / и еже добре быти тем, преступлением истлевшим, Пречистая, дарова, / быв Человек.

Песнь 5

Ирмос: Ты, Господи, мой Свет, / в мир пришел еси, / Свет святой, обращаий из мрачна неведения / верою воспевающая Тя.

Великое и честное призывая Имя Господне, / чашу спасения страданий, радуяся, Акепсімо, испил еси.

Вышняя ты пища, званнаго ранами, прият / и лицы, Иосифе, мученичестии / с ними веселящася.

Сад присноцветущий, плоды подвиг твоих
концы пита́я, / истинно явился еси, Аифále бла-
женне.

Богородичен: Свет безлетный нам, Отчее си-
яние, родила́ еси под леты, / благостынею богат-
ства бывша, Пренепорочная.

Ин. Ирмос тойже.

Вшед мужески в мученический подвиг, / и
порази́л еси идо́льское, страсотерпче, свиреп-
ство, / телом сокрушаемь.

Тебе камень светлый Владыка в венцех вонзе,
страсотерпче, / Своей Церкви подобно сияюща.

Пожресья, яко агнец, добраго Пастыреначаль-
ника смерть вообразив, / и принёслся еси Вышней
трапёзе жертва непорочна.

Богородичен: Спаси ны от бед и скорбей,
Пречистая Богородице, / и мук изба́ви будущих
молитвами Твоими.

Песнь 6

Ирмос: *Пожру Ти со гла́сом хваления, Госпо-
ди, / Церковь вопиет Ти, / от бесовския крове
очи́щися / ради милости от ребр Твоих / истек-
шею Кровию.*

Главé, Акепси́мо, твоей, отсеченней от телесé, /
Христу совокупí верою ду́шу твою, мучениче,
неотступно, / тамо сущими зарьями присно просве-
щаемь.

Ка́мением, яко первострадалец, мучениче, уби-
ваемь, / не отверглся еси ка́мене жизненнаго,
Христа, / преходя́ к тамо сущим светлым обителем.

Жéзлием немилостивно ураняемь *, радоваше-
ся, / жезл имея силы, Крест Господень, и похвалу́, /
страсотерпче Аифále, Богомудре всебогате.

Богородичен: Купина́ прообразоваше великую
тайну паче ума Твоего Рождества, / огнём отню́д
повива́ема и никакоже опаля́ема, Дево Всепетая.

Ин

Ирмос: *Приидо́х во глубины́ морския, / и пото-
пи́ла мя есть буря многих грехов, / но, яко Бог, из
глубины́ возведи́ живот мой, / Многомилостиве.*

* ураняемь — терзаем, мучим

Сосуд раздробляемъ тѣла страдании, мучениче, / вражия вся кóзни лукавыя мужески разрушил еси, / всеблаженне Геóргие.

Остроты, разсекающія тело, / и колесé, мучениче, и распалѣемы вѣщи пѣщныя, / иже к Богу любовию распалѣемъ, отнюд не устрáшился еси.

Богородичен: Святы́й храм во святы́х Почивающему была еси, Богомати: / темже нас, верно поющих Тебе, / освяща́еши, Приснодево.

Кондак святаго Геóргия, глас 8.

Подобен: Взбрáнной:

Квозбрáнному и скорому заступлению Твоему прибѣгше, вернии, / мо́лим избáвиться, страстотерпче Христов, / от собла́зн вра́жиих воспевающим тя, / и всяких бед, и озлоблénий, да зовем: / радуйся, мучениче Геóргие.

Икос:

Велик в предстательствах на земли показался еси, / Господень угодниче и дру́же, / верныя бо люди покрывая, спасаеши присно, славне. / Тем верою и любовию вопием тебе, многострадальче: / радуйся, имже просвещается мир; / радуйся, имже во́инство озаря́ется; / радуйся, верных от плéна избавлénие; / радуйся, ю́зников скорое заступлénие; / радуйся, высотó с верою притекающих к тебе тѣпле; / радуйся, обогатителю любящих тя и в скорби веселие; / радуйся, яко съй людей ограждение; / радуйся, яко подаеши во бранéх побеждение; / радуйся, звездó, просвещающая плавающая; / радуйся, решителю всякаго озлобления; / радуйся, к нему́же всяк верный прибегаёт; / радуйся, имже восхваляется Создатель; / радуйся, мучениче Геóргие.

Песнь 7

Ирмо́с: Спасый во огни́ Авра́мския Твоя óтроки / и халдéи убив, / яже правда праведно уловляше, / препетый Господи, Боже отец наших, / благословен еси.

Во огни́ мучения рóсу от Бога приемше, / сопротивных пла́мы * вашим терпением погаси́сте,

* пла́ма — пламя

страстотерпцы, зовуще: / Боже отец наших, благословен еси.

Иже огню поклонницы сему наследницы явшася, / огню служити служащая Солнцу славы понуждаху, / но сий взываху: / Боже отец наших, благословен еси.

Акепсима, и Иосиф, и Аифал, Троицы Всечестныя три светила, / иже вся концы благочестия зарями облистаяюще, / да почтутся во веки.

Богородичен: Благословен Плод благословеннаго Твоего чрева, / Егоже благословят Небесныя силы и земных составления, / Иже нас избавивый клятвы первыя, Благословенная.

Ин

Ирмос: Юноши три в Вавилоне, / веление мучителяво на буйство преложше, / посреде пламене вопияху: / благословен еси Господи, / Боже отец наших.

Жива был еси жертва, мучениче, за ны Пожренному, яко овчати, / демоном жертвы, все приносима, упразднил еси, / о Христе укрепляемь.

Явился благоплоден, яко лоза, принося гроздие нам терпения, славне, / вино каплюще Божественное, / сердца всех благочестивых веселящее.

Уды дал еси усердно разсекати за Христа, / пребыл же еси неотлучен Того любве, преблаженне, / и наследник всех благ, веселяся.

Богородичен: Хвалу Богу приносит вся тварь, / от Твоего рождшуся, Пренепорочная Отроковице, пречистаго чрева / и древняя всех нас клятвы Избавльшему.

Песнь 8

Ирмос: Отроки благочестивыя в пещи / Рождество Богородичо спасло есть, / тогда убо образуемое, / ныне же действующее, / вселенную всю воздвизает пети Тебе: / Господа пойте дела / и превозносите Его во вся веки.

Слова бывше приятелища и Того язвы носяще, / мучителей суровством бремя, аки бездушно, на безсловесная возложистесь, / приносими ко искушению множайшим мукам, мученицы доблии, / Христа превозносяще во веки.

Ходатаи славы присносущныя, приснопамят-
нии мученицы, / украшаеми, радостно шествова-
сте, / Егоже возлюбите свидетельства, славнии,
путь, зовуще: / Господа пойте и превозносите Его
во веки.

Ни огонь, ни раны, ни звери, ни меч, / ни ров, ни
смерть возможе мученики Твоя любве отлучити,
Господи, / благих Источниче, любве неистоцимая
Струя. / Ихже хваляще, Христе, Тебе благословим
во веки.

Богородичен: Едину неискусомужную Матерь
и едину тварей преимущую, / гору пресвятую,
трапезу всезлатую, Богородицу, песнями воспе-
вающе, зовем: / Господа воспевайте дела и превоз-
носите Его во веки.

Ин

Ирмос: Избавителю всех всесильне, / посреде
пламене благочествовавшия, / снизшед, оросил
еси / и научил еси пети: / вся дела благословите,
пойте Господа.

Управитель плавающим изящный, / помощник
в скорбех велик явился еси, Георгие, / спасаеши
верою к тебе и несомненным сердцем притека-
ющия.

Истины явился еси поборник и лжи был еси
оглагольник*, / нам же паки утверждение, стра-
стотерпче, верою вопиющим: / благословите вся
дела Господня Господа.

Кроплением кровей твоих погасил еси преле-
сти, Георгие, углие / и верных напоил еси сердца,
верно ты воспевающих / и совершающих славную
память твою.

Богородичен: От Иессеева корене прозябла еси
и злобный корень исторгнула еси, / Содетеля
твари прозябши, Отроковице, / Емуже поем: /
благословите вся дела Господня Господа.

Песнь 9

Ирмос: Камень нерукосечный / от несекомья
горы, Тебе, Дево, / краугольный отсечеса — / Хри-
стос, совокупивый разстоящаяся естества. / Тем,
веселящися, Тя, Богородице, величаем.

* оглагольник — обличитель

**Благочестивыя светильники и прелести потреби-
тели, / разумнаго рая благовонныя цветы, сосу-
ды честныя, / Божия красоты зрители восхвалим.**

**Угль, егоже древле виде Исая, в сердца
внутрь приемше, / и, того блистанием озаряеми, /
мрачное, мученицы, огня служение отразите.**

**Живоначальной ныне Троице украшени
предстоите / и, венечными добротами просвеща-
еми, / память творите о иже на земли, блаженнии, /
поминающих вас всегда.**

**Богородичен: Отчаяннаго мя спаси, Спаса
заченшая и плотию рождающая, Дево, / греховным бо
бременем отягчаема, болезненно зову Ти: / потщав-
шися, помози рабу Твоему.**

Ин

**Ирмос: Ева убо недугом преслушания / клятву
вселила ест, / Ты же, Дево Богородице, / прозябе-
нием чревоношения миру благословение про-
цвела еси. / Тем Тя вси величаем.**

**Яко утро, яко солнце, светло возсияв, / и тварь
просветил еси страстей незаходимыми зарями, /
чудес же многих явлении, Георгие, мучеников
радование. / Тем тя любовью ублажаем.**

**Капля Божественная сладости, Георгие, явил-
ся еси, / страстную нашу горесть вземля / и ослаж-
дая всегда души же и сердца верою тя блажащих,
достолавне.**

**Освятит еси кровию землю / и духом веселия
Небесная исполни еси, мучениче. / Тем всяка
душа тя благочестивых, / яко угодника Господня,
любит приснаго / и помощника тя напишет.**

**Богородичен: Глас Ти приносим Божественна-
го Гавриила веселия, зовуще: / радуйся, радость
вселенной, скорби Потребителя породши / и
Евино отъемши поношение; / радуйся, Дево Неис-
кусобрачная.**

Светилен.

Подобен: Духом во святыхлицы:

**Подъял еси яко безплотен нестерпимыя муки, /
Акепсимо всехвальне, священников славо, / со
Иосифом чудным и дивный Аифал диакон, Хри-**

стов тайнник, / ихже болѣзнем страдания удивляются присно Безплотных чїни.

Слава, Геóргию.

Подобен тойже.

Струя́ми кровей твоих прелѣстныя пла́мы погасил еси, блаженне, / и мучителей свирѣпство до конца погубил еси, / и Христа прославил еси, Геóргие стратотерпче. / Тем венец приял еси нетления / и жизни от десницы Вышняго.

Богородичен: Несть во мне отнюд надежды спасения, Дево, / яко зле впадóх во глубинú прегрешений / и жду прещѣния страшныя мýки и кóзлиц части; / но ущѣдри мя прежде Судá, / яко сýщи теплá Заступница, Богородице.

На стиховне Октоиха и мучеников.

Стих: Воззвáша праведнии, / и Господь услыша их.

Стихира, глас 2:

О благочестии, святии, твѣрде подвизáвшесе за Христа, / свирѣпство мучителей посрамите / и идолов высотú в пропáсть погрузите, / Акепсимо, и Аифáле, и Иóсифе. / И ныне на Небесех, венценосцы, ликующе, / молитесь о душа́х наших.

Слава, глас 4. Самогласен. Студíтово:

Разúмнаго адамáнта / терпение, братие, духовно восхвáлим, / Геóргия, славнаго мученика, / егоже за Христа жгóма, / ковáша беды, и остриша мýки, / и различная мучѣния изнуриша тело, естеством тлѣнное, / побеждаше бо желание естество, / смертью понуждáя рачítеля / прейти к желаемому Христу Богу / и Спасу душ наших.

И ныне,

Богородичен или Крестобогородичен.

Подобен: Яко дóбля:

На Крестѣ Тя яко узрѣ пригвождѣна, Господи, / Агница и Мати Твоя дивляшесе: / и что видѣние сие, взывáше, Сыне вожделѣнне? / Сия Ти неверный собор воздаде беззакóнный, / иже многих Твоих чудес насладивыйся, / но слава неизглаголанному сошѣствию Твоему, Владыко.

НА ЛИТУРГИИ

Прокимен, глас 4: Святым, иже суть: Стих: Предзрех Господа: Апостол ко Ефесеем, зачало 233. Аллилуия, глас 4: Возваша праведнии, и Господь услыша их. Стих: Многи скорби праведным: Евангелие от Лукі, зачало 106. Причастен: Радуйтесь, праведнии, о Господе:

Святые мученики Акепсим епископ, Иосиф пресвитер и Аифал диакон пострадали в IV веке (около 380 года). Епископ Акепсим возглавлял христианскую Церковь в персидском городе Наессоне. Паства горячо любила святителя за его подвижническую жизнь и неустанные пастырские труды. Когда царь Сапор повелел разыскивать и казнить христианское духовенство, был схвачен и епископ Акепсим, в то время восьмидесятилетний старец. Его привели в город Арбелу, где он предстал перед судом жреца Ардаха.

Волхвы и жрецы питали особую ненависть к христианам и предавали их самым лютым пыткам. Святой старец отказался принести жертву языческим богам. Его начали жестоко избивать. Мучитель смеялся над епископом и спрашивал, почему Бог христианский не избавляет его от пыток. Святой отвечал: «Мой Бог может избавить меня от твоих мучений, но я Его молю не о том, а чтобы, претерпев их до конца, наследовать венец в обителях Отца Небесного». Потом его заключили в темницу, куда на следующий день после тяжелейших пыток были брошены семидесятилетний пресвитер Иосиф и диакон Аифал. Три года святых держали в узах, томили голодом, жаждой.

В языческое капище, находившееся недалеко от Арбелы, прибыл царь Сапор, пожелавший видеть трех святых мучеников. Изможденные, покрытые гноящимися язвами, святые предстали перед царем и вновь твер-

до отказались поклониться языческим богам, исповедуя веру во Христа. Волхв спросил святого Иосифа: «Какое же учение правильное — то ли, которого держится царь и все лучшие и знатные люди, или ваше учение ничтожных, отверженных, бедных людей?» «Ты прав, — ответил святой Иосиф, — мы худые, бедные, но Господь наш не любит обитать там, где богатство, роскошь и связанные с ними пороки, зависть, злоба. Нет, мы избегаем богатства, раздаем ближним, что имеем. От трудов своих мы даем бедным. Мы знаем, что богатым труден путь в Царство Небесное».

Стойкость исповедников раздражала мучителей, и они решили казнить их.

Святому епископу отсекли голову, а пресвитера и диакона отправили в город и там побили камнями.

Казнь пресвитера Иосифа длилась несколько часов. Среди мучений святой Иосиф воскликнул: «Благодарю Тебя, Боже мой, что Ты благоволил омыться мне от грехов в крови моей». Возле места казни была поставлена стража, чтобы христиане не взяли тела святого мученика. На четвертую ночь над городом пронесся сильный ураган, молния убила стражу, ветер разметал камни, и тело святого Иосифа исчезло.

Диакон Аифал был отведен в селение Патриас и там был побит камнями. Христиане тайно погребли его тело, на могиле святого выросло дерево, плоды которого приносили исцеление.

